

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



Broj: 02-04-543/24-AP-2
Datum: 04.03.2024. godine

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primijeno	05-03-2024		
Org. jed.	Kl. ozna.	Red. broj	Br. priloga
01	04	606/24	

GRADSKO VIJEĆE ZAVIDOVIĆI
n/r PREDSEDAVAJUĆI GRADSKOG VIJEĆA
Admir Fojnica, prof.

PREDMET: Izveštaj o radu Zdravstvenog savjeta Grada
Zavidovići za 2023. godinu, dostavlja se

U prilogu akta dostavljam Vam Izveštaj o radu Zdravstvenog savjeta Grada Zavidovići za 2023. godinu.

Izveštaj o radu Zdravstvenog savjeta Grada Zavidovići za 2023. godinu dostavljam Gradskom vijeću Zavidovići radi uvrštavanja u dnevni red sjednice Gradskog vijeća.

S poštovanjem

Dostavljeno:

1. Naslovu,
2. U spis.



GRADONAČELNIK

doc. dr. Hašim Mujanović

OTV PI 01-04-

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
Zdravstveni savjet Grada Zavidovići



Primijeno: 27-02-2024			
Org. jgd.	Kl. ozna.	Red. broj	Br. priloga
02	04	543/24	

Broj: 02-33-1349/21-AP-53
Datum, 26.02.2024.godine


- Stručna služba Gradskog vijeća
- Stručna služba Gradonačelnika
- OVDJE-

PREDMET: Izvještaj o radu Zdravstvenog savjeta Grada Zavidovići za 2023.godinu, dostavlja se.

Poštovani,

U prilogu ovog akta dostavljam Vam Izvještaj o radu Zdravstvenog savjeta Grada Zavidovići za 2023.godinu, kako bi isti bio razmatran na sjednici Gradskog vijeća Zavidovići u skladu sa Planom rada Gradskog vijeća Zavidovići.


S poštovanjem,



Predsjednik Zdravstvenog savjeta
Grad Zavidovići

Muamer Hrvić, prof.

- Dostavljeno:
- 1) Naslovu,
 - 2) a/a.



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
Zdravstveni savjet Grada Zavidovići



Broj:02-33-1349/21-AP-52
Datum, 23.02.2024.godine

Predlagač: GRADONAČELNIK ZAVIDOVIĆI

Razmatra: GRADSKO VIJEĆE ZAVIDOVIĆI

IZVJEŠTAJ

o radu Zdravstvenog savjeta Grada Zavidovići
za 2023.godinu

Obrađivač: ZADRAVSTVENI SAVJET GRADA ZAVIDOVIĆI

I UVODNI DIO

Na osnovu člana 14. Zakona o zdravstvenoj zaštiti ("Službene novine Federacije Bosne i Hercegovine", broj:46/10 i 75/13), člana 66. Zakona o pravima, obavezama i odgovornostima pacijenata ("Službene novine Federacije Bosne i Hercegovine", broj:40/05), člana 39. i 104. d Statuta Općine Zavidovići ("Službeni glasnik Općine Zavidovići", broj:5/2008, 5a/2008 i 11/19), Rješenja Općinskog načelnika o imenovanju Zdravstvenog savjeta Općine Zavidovići, broj:02-04-3217/20 od 21.04.2021.godine i Rješenja Općinskog načelnika o dopuni Rješenja o imenovanju Zdravstvenog savjeta Općine Zavidovići imenovan je Zdravstveni savjet Općine Zavidovići.

Gore navedenim Rješenjima Gradonačelnika imenovan je Zdravstveni savjet Grada Zavidovići u sljedećem sastavu:

1. Hrvić Muamer, predsjednik-predstavnik Grada Zavidovići iz reda zaposlenih;
2. Hadžić Amira, član-predstavnik zdravstvene ustanove JU "Dom zdravlja" Zavidovići;
3. Starčević Manuela, član-predstavnik zdravstvenih komora Ze-do kantona sa područja lokalne zajednice;
4. Hamzić Edina, član-predstavnik zdravstvenih komora Ze-do kantona sa područja lokalne zajednice;
5. Džinić Benis, član-predstavnik zdravstvenih sindikata;
6. Kaknjašević Ferid, član-predstavnik zdravstvenih radnika iz reda privatnih praksi sa područja lokalne zajednice;
7. Čamdžić Mirsad, član-predstavnik Crvenog križa općine Zavidovići;
8. Čatić Amira, član-predstavnik udruženja žena iz registrovanog Udruženja žena sa područja lokalne zajednice;
9. Ibrahimpašić Nedžib, član-predstavnik Udruženja penzionera;
10. Mušić Nermana, član-predstavnik pacijenata sa područja lokalne zajednice;
11. Čelebić Vahdeta, član-predstavnik registrovanih udruženja koja se bave zaštitom i pravima pacijenata;
12. Halilović Belma, član-predstavnik registrovanih udruženja koja se bave zaštitom i pravima pacijenata;

Mandat članova Zdravstvenog savjeta traje do 21.04.2025.godine.

U skladu sa Zakonom o pravima, obavezama i odgovornostima pacijenata i Rješenjima o imenovanju Zdravstveni savjet obavlja sljedeće poslove:

- predlaže i evaluira provođenje zdravstvene zaštite na području grada Zavidovići;
- daje mišljenja na planove i programe zdravstvene zaštite za područje grada Zavidovići;
- predlaže mjere za poboljšanje dostupnosti i kvaliteta zdravstvene zaštite;
- prati povrede pojedinačnih prava pacijenata i predlaže preduzimanje mjera za zaštitu i unaprijeđenje prava pacijenata na području grada Zavidovići;
- prati primjenu propisa na području grada Zavidovići koji se odnose na zaštitu prava i interesa pacijenata;
- predlaže preduzimanje mjera za zaštitu i unaprijeđenje prava pacijenata na području grada Zavidovići;
- obavještava Zdravstveni savjet u Kantonalnom ministarstvu o slučajevima teških povreda prava pacijenata koje mogu ugroziti živote ili zdravlje pacijenata;

- podnosi godišnji izvještaj o svom radu Gradskom vijeću i Zdravstvenom savjetu Kantonalnog Ministarstva zdravstva, a kvartalno dostavlja izvještaj o svome radu Gradonačelniku putem Službe za upravu društvenih djelatnosti, pitanja boraca i opću upravu Grada Zavidovići;
- obavještava javnost o povredama pacijenata, kao i važnim pitanjima u svrhu boljeg upoznavanja pacijenata o aktuelnim stvarima;
- obavlja i druge poslove i zadatke u skladu sa Zakonom o pravima, obavezama i odgovornostima pacijenata i Zakonom o zdravstvenoj zaštiti;
- donosi Poslovnik o radu Savjeta kojim će bliže urediti organizaciju i način rada, kao i izradu izvještaja i informacija nadležnim organima, te drugih akata, koji se budu tražili od Zdravstvenog savjeta.

U obavljanju poslova, iz svoje nadležnosti, Zdravstveni savjet je ovlašten upozoravati, predlagati i davati preporuke.

Zdravstveni savjet je ovlašten nadležnim tijelima državne uprave, tijelima lokalne samouprave, nadležnom ministarstvu zdravstva, zavodima zdravstvenog osiguranja, zdravstvenim ustanovama, privatnim praksama, komorama iz područja zdravstva predlagati poduzimanje mjera za spriječavanje štetnih djelovanja koja ugrožavaju prava i interese pacijenata i zahtijevati izvješće o poduzetim mjerama.

Zdravstveni savjet je obavezan podnositi godišnji izvještaj o svom radu Gradonačelniku, Gradskom vijeću i Zdravstvenom savjetu kantonalnog ministarstva zdravstva.

II OCJENA STANJA

Zdravstveni savjet Grada Zavidovići je u periodu od 01. januara do 31. decembra 2023.godine održao ukupno 7 (sjednica) sjednica Savjeta.

Na prvoj sjednici Zdravstvenog savjeta, održanoj dana 22.01.2023.godine, Zdravstveni savjet Grada Zavidovići razmatrao je Izvještaja o radu Zdravstvenog savjeta za 2022.godinu. Gore navedeni Izvještaj je usvojen jednoglasnom Odlukom 7 prisutnih članova Zdravstvenog savjeta. Izvještaj o radu Zdravstvenog savjeta za 2022.godinu dostavljen je također Gradskom vijeću Zavidovići na razmtranje te je isti usvojen od strane Gradskog vijeća Zavidovići.

Na prvoj sjednici Zdravstvenog savjeta također je razmatran i jednoglasno usvojen od strane prisutnih članova Zdravstvenog savjeta Godišnji plana i programa rada Zdravstvenog savjeta za 2023.godinu.

Godišnjim planom i programom rada Zdravstvenog savjeta Grada Zavidovići za 2023. godinu planirano je sljedeće:

RB	Vrijeme	Aktivnost	Mjesto održavanja	Nosioc aktivnosti
1.	I kvartal	-Razmatranje i usvajanje Godišnjeg Izvještaja o radu ZS-a za 2022.g. - Razmatranje i usvajanje Godišnjeg plana rada Zdravstvenog savjeta Grada Zavidovići za 2023.godinu	Grad Zavidovići	Zdravstveni savjet Grada Zavidovići
2.	II kvartal	- Analiza stanja mentalnog zdravlja na području Grada Zavidovići; - Informacije o palijativnoj skrbi na području Grada Zavidovići;	Grad Zavidovići	Zdravstveni savjet Grada Zavidovići
3.	III kvartal	-Uloga Zdravstvenog savjeta u zaštiti prava pacijenata na području Grada Zavidovići - Analiza poštivanje Kodeksa medicinske etike i deontologije	Grad Zavidovići	Zdravstveni savjet Grada Zavidovići
4.	IVkvartal	-Rad i funkcionisanje Službe hitne medicinske pomoći - Analiza stanja zdravlja	Grad Zavidovići	Zdravstveni savjet Grada Zavidovići

	stanovništva i stanja zdravstvenog sistema na području Grada Zavidovići -Analiza rada Zdravstvenog savjeta Grada Zavidovići i priprema Izvještaja za 2023.godinu		
--	---	--	--

Napomena: U skladu sa potrebama i promjenom okolnosti ostavila se mogućnost Zdravstvenom Savjetu Grada Zavidovići izmjena i/ili dopuna Godišnjeg plana i programa rada.

Na drugoj sjednici Zdravstvenog savjeta, održanoj 29.05.2023.godine Zdravstveni savjet Grada Zavidovići razmatrao je Informaciju o palijativnoj skrbi na području Grada Zavidovići. Informisan je Savjet od strane Predsjednika ZS-a o sadržaju Kriterija za utrošak sredstava sa tekućeg transfera JU Domu zdravlja Zavidovići –sufinansiranje palijativne nejege oboljelih lica iz Budžeta Grada Zavidovići u 2023.godini (informacije o visini transfera, licima koje ostvaruju pravo na ostvarivanje palijativne usluge, načinu realizacije i pravdanje sredstava...) Također je traženo od strane Predsjednika ZS-a da predstavnici JU "Dom zdravlja" Zavidovići informišu savjet načinu realizacije sredstava, modelu funkcionisanja, dobrim stranama i poteškoćama u realizaciji sredstava ukoliko ih ima obzirom da je prva godina pri realizaciji ovog transfera.

Informisan je Savjet od strane predstavnika JU "Dom zdravlja" Zavidovići da se sredstva koriste na onkološke pacijente u terminalnoj fazi, te za transport do kantonalne bolnice i kućne posjete pacijentima.

Član ZS-a Ferid Kaknjašević u svom izlaganju, osvrćući se na navedene činjenice izrečene od strane Edine Hamzić, iznio je stav da je Dom zdravlja vršio navedene usluge i prije no što je u Budžet Grada uvršten transfer za sufinansiranje palijativne njege lica, te da su iste pružale i ranije u okviru patronažne službe.

Od strane Predsjednika savjeta predloženo je da JU Dom zdravlja sačini Program utroška i realizacije sredstva u skladu sa postojećim kriterijima gdje će jasno biti razrađena procedura ostvarivanja prava i plan realizacije sredstava sačinjen na osnovu analize sačinjene od strane ljekara i uprave ustanove.

Član ZS-a Nedžib Ibrahimpašić naveo je da nema dovoljno znanja i informacija u vezi sa problematikom palijativne njege, međutim obzirom da su to korisnici uglavnom stariji ljudi (penzioneri) podržao je takav vid pomoći pacijentima.

Dr Edina informisala je savjet da je patronažna služba JU Dom zdravlja izvršila 67 posjeta pacijentima od kojih su mnogi korisnici palijativne skrbi.

Na prijedlog predsjednika savjeta Donesen je jednoglasan zaključak da JU Dom zdravlja sačini Program i plan utroška sredstava sa transfera za sufinansiranje palijativne njege.

Na trećoj sjednici Zdravstvenog savjeta, održanoj 13.06.2023.godine, razmatrana je Analiza stanja mentalnog zdravlja na području grada Zavidovići.

Informacija o stanju mentalnog zdravlja prezentirana je od strane dr. Namika Keserovića u kojoj je rezimirano sljedeće:

- nastojanje u spriječavanju diskriminacije prema pacijentima narušenog mentalnog zdravlja;

- destigmatizacija osoba sa psihičkim poteškoćama,
- pridržavanje etičkih principa u odnosu prema pacijentima,
- tendencija ka što manjem bolničkom smještaju pacijenata,
- tretiranje razvojnih poremećaja,
- koordinisana briga nadležnih institucija prema navedenoj kategoriji stanovništva,
- podaci o broju pruženih usluga i podacima o strukturi bolesti pacijenata kojima je pružena medicinska usluga

Naveden je podatak o održanim edukativnim predavanjima i radionicama o međuvršnjačkom nasilju i devijantnom ponašanju učeničke populacije, te da je napravljen pomak u umrežavanju centara za mentalnu pomoć pacijentima, te da uklonjena stigma kod traženja pomoći pacijenata.

Donesen je jednoglasan Zaključak od strane Savjeta da se početkom školske godine održi predavanje roditeljima djece predškolskog uzrasta korisnika predškolskih ustanova sa područja grada Zavidovići o štetnom uticaju telefonskih uređaja i tv ekrana na pravilan razvoj djece, a u cilju prevencije razvojnih poremećaja kod djece.

Navedeni Zaključak je jednoglasno usvojen od strane prisutnih članova Zdravstvenog Savjeta. Prezentirani izvještaj dr. Namika Keserovića jednoglasno je usvojen od strane prisutnih članova Zdravstvenog savjeta.

Na četvrtoj sjednici Zdravstvenog savjeta, održanoj 27.09.2023.godine, Zdravstveni savjet donio je zaključak da se održi edukativno predavanje na temu "Negativan uticaj telefonskih uređaja i tv ekrana na pravilan razvoj djece" u prvoj polovini mjeseca oktobra u prostorijama JU "Gradski dječiji vrtić" Zavidovići.

Predavača (psihologa/pedijatra) obezbjedio je JU "Dom zdravlja" Zavidovići. Termin je utvrđen u saradnji sa predavačem i upravom JU "Gradski dječiji vrtić".

Također je odlučeno da će se predavanje za građanstvo na temu "Edukacija stanovništva o pravima, obavezama i odgovornostima pacijenata" održati u drugoj polovini mjeseca oktobra. Predavača pravne struke obezbjedio je JU "Dom zdravlja" Zavidovići. Prostor, organizaciju i tehničku podršku obezbjedio je Grad Zavidovići.

Zdravstveni savjet je razmatrao dostavljeni akt Službe za upravu društvenih djelatnosti, pitanja boraca i opću upravu, broj:04-45-16/23-AP-1135 od 11.09. 2023.godine, a u vezi zahtjeva Udruženja boraca Armije BiH oboljelih od PTSP-a "Veterani" koji se odnosi na ostvarivanje prava na liječenje boraca oboljelih od PTSP-a kroz finansiranje lijekova putem esencijalne liste lijekova.

Savjet je sačinio akt i uputio ga Komsiji za utvrđivanje esencijalne liste lijekova Zavoda zdravstvenog osiguranja Zeničko-dobojskog kantona za razmatranje i eventualno uvažavanje predmetnog Udruženja boraca Armije BiH oboljelih od PTSP-a "Veterani" i nadležne Gradske Službe.

Skrenuta je pažnja upravi i predstavnicima JU "Dom zdravlja" Zavidovići da sugerišu medicinskom osoblju i mlađim doktorima na profesionalan odnos prema pacijentima, obzirom da dolaze kontinuirane pritužbe od strane pacijenata da se pacijenti naročito stariji ne persiraju i da se poboljša profesionalan odnos prema pacijentima.

Od strane predstavnika JU Dom zdravlja navedeno je da je uprava svjesna navedenog problema i da se kontinuirano na radnim sastancima skreće pažnja uposlenicima na navedeno, te da je navedeno primjetno kod mlađeg novog kadra i da je navedeno stvar kućnog odgoja i vaspitanja koji oni donose iz kuće.

Također je skrenuta pažnja na primjedbe pacijenata da su tokom ortopedskih i drugih pregleda doktora specijalista koji nisu uposlenici "Doma zdravlja" Zavidovići a koji preglede obavljaju u zgradi hitne pomoći vrata kontinuirano otvorena tokom pregleda te da se time narušava privatnost pacijenata jer pacijenti koji čekaju u hodniku tokom cijelog pregleda slušaju dijagnoze drugih pacijenata čime se narušava privatnost pacijenata.

Predstavnik penzionera je tražio informaciju da li ZZO snosi troškove obavljenih pregleda u privatnim ustanovama kod hitnih slučajeva (magnetna rezonanca, kardiloški pregledi i nalazi i drugo) koji se nalaze dugo listi na čekanju, a nisu u mogućnosti obaviti pregled u drzavnim ustanovama jer na kantonu funkcioniše jedna magnetna rezonanca, evidentan je manjak kardiologa itd...).

Dr Kakanjašević je informisao Ibrahimpašića ZZO ne snosi navedene troškove u našem kantonu kao što je to slučaj u Kantonu Sarajevo gdje postoji sistem javno-privatnog partnerstva u zdravstvu, te je informisao Savjet da će podnijeti Inicijativu na Gradskom vijeću Zavidovići u vezi navedenog pitanja koja će biti prosljeđena višim nivoima vlasti nadležnim za datu problematiku.

Također je naveden problem u vezi funkcionisanja Službe za ginekologiju JU "Dom zdravlja" Zavidovići u vezi primjedbi neformalne grupe građana koja želi biti anonimna, te da će se traziti na Gradskom vijeću razmtranje primjedbi navedene neformalne grupe građana.

Na petoj sjednici Zdravstvenog savjeta, održanoj 16.10.2023.godine, informisan je Savjet od strane Predsjednika da su poduzete aktivnosti na realizaciji zaključaka savjeta sa prethodne sjednice u cilju ostvarenja prava pacijenata sa područja Grada Zavidovići. Organizacija tematskog predavanja "*Negativan uticaj telefonskih uređaja i TV ekrana na pravilan razvoj djece*" je održan dana 16.10.2023.godine (ponedjeljak) u prostorijama JU "Gradski dječiji vrtić" Zavidovići (Nova zgrada) sa početkom u 17:00 h, predavač je bio Talović Šeki, dipl. psiholog, dok je predavanje "Edukacija stanovništva o pravima, obavezama i odgovornostima pacijenata" održano dana 30.10.2023.godine u 16:00 h u prostorijama "Centra za kulturu", a predavač je bila Smajić Amra, dipl. pravnik, o čemu je blagovremeno informisana javnost, te pozvani članovi savjeta da prisustvuju istim.

Također je informisan Savjet da je sačinjena inicijativa za rješavanje pitanja Udruženja boraca armije BiH oboljelih od PTSP-a Veterani, te da je ista dostavljena Federalnom i kantonalnom ministarstvu zdravstva, te kantonalnom ZZO na razmatranje i daljnje postupanje.

Od strane člana Savjeta Ferida Kaknjaševića tražena je informacija o dinamici realizacije transfera za Palijativnu te hitnoj potrebi realizacije istog transfera.

Od strane člana Savjeta Amire Hadžić naveden je problem realizacije navedenog transfera zbog neusklađenosti kriterija o utrošku sredstava sa članom 27. Zakona o pravima, obavezama i odgovornostima pacijenata. Nakon duge diskusije po ovom pitanju Savjet je zadužio predsjednika Savjeta da obavi razgovor u ime Savjeta sa rukovodiocem Službe po ovom pitanju, te da se dostavi dokumentacija pismene korespondencije između JU "Dom zdravlja" Zavidovići i Službe za upravu društvenih djelatnosti, pitanja boraca i opću upravu po ovom pitanju kako Savjet mogao donijeti svoj stav navedenom.

Na šestoj sjednici Zdravstvenog savjeta, održanoj 30.11.2023.godine, razmatran je problem dinamike realizacije transfera za sufinansiranje palijativne njege oboljelih lica sa područja grada Zavidovići. Predsjednik Savjeta informisao članove Savjeta o obavljenom razgovoru sa Pomoćnikom Gradonačelnika Idrizom Alihodžićem čiji stav je prethodno dostavljen članovima Savjeta petm e-maila, a u kome je navedeno da preostala sredstva sa transfera JU "Dom zdravlja" Zavidovići-sufinansiranje palijativne njege oboljelih lica iz Budžeta Grada Zavidovići u 2023.godini neće biti realizovana dok JU "Dom zdravlja" Zavidovići ne dostavi pravdanje po prethodno odobrenim sredstvima u skladu sa Članom 3. Kriterija sa gore navedenog transfera, što podrazumjeva dostavljanje: spiska imena i prezimena pacijenata sa naznačenom adresom

stanovanja, datum pružanja usluge, te troškom svake pojedinačne usluge. Smatra se da nije prekršen Član 27. Zakona o pravima obavezama, odgovornostima pacijenata (Službene novine Federacije BiH, br:40/210) jer je u pitanju provođenje javnog interesa zaštite zdravlja građana od strane jedinice lokalne samouprave tačnije Grada Zavidovići putem JU "Dom zdravlja" Zavidovići, iz razloga što organ Gradske uprave provodi proceduru u skladu sa Zakonom o zaštiti ličnih podataka (Sl. Glasnik BiH, broj: 49/06, 76/11 i 89/11).

Pismeno očitovanje na stav Pomoćnika Alihodžića dostavljeno je od strane direktora JU "Dom zdravlja" Zavidovići Amire Hadžić putem e-maila predsjedniku Savjeta, te je isti akt proslijeđen članovima Savjeta na razmatranje.

Nakon uvodnog izlaganja predsjednika od strane članice Savjeta Amire Hadžić navedeno je da se u prethodno obavio razgovor sa Pomoćnikom Gradonačelnika, te da se pokušalo iznaći kompromisno rješenje i da je JU "Dom zdravlja" dostavio svoj pravni komentar na prethodno dostavljeni stav putem e-maila. Također je navedeno da se ne može dostaviti Pravljanje sredstava po utvrđenim kriterijima, te da je jedino u moguće dostaviti broj kartona pacijenata, jer bi se dostavljanjem imena i prezimena pacijenata prekršila odredbe čuvanja tajnosti zdravstvenog stanja pacijenata i dijagnoze, te identifikacioni podaci. Takvi podaci bi se mogli dostaviti jedino po nalogu tužilaštva prema tumačenju zakona od strane navedene ustanove. Obzirom da također palijativna njega nije propisana ugovorom sa Zavodom, od strane rukovodioca JU "Dom zdravlja" Zavidovići je saopšteno da ukoliko se ne nađe kompromisno rješenje za izmjenu kriterija prethodno doznačena sredstva biti vraćena Gradu Zavidovići.

Data je preporuka da se iznađe najbolje rješenje kako bi se ovaj problem riješio i prijedlog da se formira mobilni palijativni tim po uzoru na Grad Ljubljano od strane člana savjeta Ferida Kaknjaševića.

Nakon razmatranja po ovoj tački dnevnog reda Savjet je donio zaključak da daje preporuku JU "Dom zdravlja" Zavidovići i Gradskom organu uprave da iznađu najbolje zakonsko rješenje za rješavanje ovog problema. Ovaj zaključak je dosnesen sa 8 glasova ZA. Nedžib Ibrahimpašić je bio suzdržan po ovom pitanju.

Tražena je također informacija od strane člana Savjeta Ferida Kaknjašević o dinamici procesa nabavke defibrilatora od strane JU "Dom zdravlja" Zavidovići. Također je predloženo od strane dr. Kaknjaševića da se formira mobilni palijativni tim te se stavio na raspolaganje da kao doktor volontira i da radi jednom mjesečno "pro bono" u palijativnom timu. Također je iznesena primjedbu od strane Kaknjaševića u vezi načina pismene korespondencije, a u vezi odgovora na njegovo Vjećničko pitanje u kome je iznio primjedbe na način funkcionisanja odjela pedijatrije i ginekologije.

Na sedmoj sjednici Zdravstvenog savjeta, održanoj 18.12.2023.godine prezentiran je Izvještaj o radu Službe hitne medicinske pomoći od strane rukovodioca iste dr. Damira Avdića, kojem je navedeno da Služba hitne medicinske pomoći radi kontinuirano 24h u sklopu JU "Dom zdravlja" Zavidovići. Cilj Službe je hitno zbrinjavanje stanja, bolesti i povreda koje neposredno ugrožavaju život pacijenata, odnosno upućivanje na daljnje liječenje takvih pacijenata u Kantonalnu bolnicu Zenica.

Služba raspolaže sa dvije ordinacije, dvije intervencije, "dnevnom bolnicom" kapaciteta 8 kreveta (od toga 5 kreveta za odrasle i 3 za dječiju populaciju), te sa gipsaonom.

Kadrovski, služba raspolaže sa četiri tima koji rade u turnusu, a čine ga trojica specijalista urgentne medicine i četvrti tim čine doktori medicine ili specijalisti porodične medicine, dodatno edukovani.

U sklopu službe radi i sedam medicinskih tehničara-vozača, pet medicinskih tehničara, tri vozača i glavna sestra službe. Sa već pomenutim specijalistima broj uposlenih je devetnaest osoba.

Služba raspolaže sa solidnom opremom, a posjeduje i deset vozila. Od tog broja osam vozila je za hitan medicinski prijevoz i dva vozila za medicinski prijevoz. Građani odnosno pacijenti ostvaruju kontakt sa službom preko broja 124.

Služba konstantno vrši edukaciju i usavršavanje kako svog kadra, tako i kadra unutar ustanove te upućivanje na edukaciju van javne ustanove sa ciljem podizanja kvaliteta pružanja usluga građanima, te na takav način prate se nove smjernice iz oblasti urgentne medicine. U periodu od 01.01.2023.godine-30.11.2023.godine ukupno je pregledano 14 195 pacijenata, te je pruženo 79 129 usluga.

U Kantonalnu bolnicu Zenica vozilima službe upućeno je 514 pacijenata. Također u navedenom periodu pruženo je 355 intervencija u kući i 139 intervencija na javnom mjestu.

Analizom rada službe u pomenutom periodu došlo se do podatka da je broj pacijenata koji su zahtjevali hitan medicinski tretman i onih koji to nisu u omjeru od 20%:80%.

Shodno navedenom, potrebno je dodatno educirati stanovništvo o radu službe o tome čemu ona služi, a ne da se ista zloupotrebljava radi redovnog pregleda odnosno stanja koja ne zahtjevaju hitan medicinski tretman. Dostupnost i brzina reakcije tima službe odlučujuća je za efikasnost iste. Potrebno je također nabaviti reanimobil čija cijena bez dodatne opreme iznosi cca 120 000,00 KM.

Nakon izlaganja dr Avdića informisan je Savjet od strane članice Amire Hadžić da je prosječna starost vozila 17 godina i da je Dom zdravlja aplicirao projektom Vladi Japana za nabavku novog saniteta te je odobreno 60 000 eura za navedeni projekat.

Nakon kraćeg razmatranja, Savjet je donio Zaključak o prihvatanju navedenog izvještaja od prezentiranog od strane dr Avdića.

Savjet je također razmatrao Informaciju o stanja zdravlja stanovništva i stanja zdravstvenog sistema na području grada Zavidovići prezentiranu i dostavljenu od strane Doma zdravlja.

U navedenoj informaciji navedenoj je da je za prva tri kvartala godine bilo 192 934 pregleda, te da je pruženo 669 711 usluga. Od toga opća medicina 49 492, porodična medicina 76 915, pedijatrija 15 225, ginekologija i akušerstvo 6703, ATD 1759, shmp 12062, HES 1051, fizikalno 3148, CMZ 12052, UZV pregledi 19 708, specijalisti 36 643 i stomatologija 3523, laboratorija 22 116.

U 2023.godini je prijavljeno 10 novootkrivenih slučajeva malignoma. Najčešći karcinomi su karcinomi dojki i prostate, 1200 hroničnih opstruktivnih bolesti pluća, tuberkuloza 9 slučajeva, bruceloza 12 slučajeva, letospiroza 3 slučaja, hipertenzija 5700 pacijenata na terapiji, Diabetes melitus 2250 pacijanta na terapiji, te od zaraznih bolesti 75 slučajeva covid 19, hepatitis B 3 slučaja, hepatitis C 1 slučaj, sepsa 3 slučaja, eryzipel 6 slučajeva i 3 slučaja virusnog meningitisa.

Inoformacija je jednoglasno prihvaćena od strane prisutnih članova savjeta.

Zaključna razmatranja i daljnje smjernice rada Zdravstvenog savjet Grada Zavidovići:

1. Sačiniti plan i program rada za naredni izvještajni period-2024.godina;
2. Unaprijediti sistem palijativne skrbi na području grada;
3. Formirati Mobilni palijativni tim,
4. Pokrenuti inicijativu o javno-privatnom partnerstvu pri pružanju usluga koje zahtjevaju hitnost (magnet, CT i dr usluge).
5. Animirati stanovništvo o potrebi i značaju vakcinacije;
6. Aktivnije učešće nemedicinskog dijela Savjeta,
7. Aktivnije učešće javnosti u smislu iznošenja preporuka i sugestija Savjetu,
8. Aktivnije učešće rada psihologa sa ženama oboljelih od karcinoma.
9. Izvršena nabavka defibrilatora;
10. Uvećan transfer za palijativnu njegu;
11. Održane edukacije za stanovništvo,
12. Podržane inicijative iz oblasti zdravstvene zaštite za udruženja društveno osjetljivih grupacija stanovništva;
13. Pokrenute inicijative za unapriđenje rada Službe hitne medicinske pomoći i dr.

Predsjednik Zdravstvenog savjeta
Grada Zavidovići
Muamer Hrvić, prof.



Dostavljeno:

1. Gradonačelnik Zavidovići;
2. Gradsko vijeće Zavidovići;
3. Ministarstvo zdravstva Zeničko-dobojskog kantona;
4. Zdravstveni savjet Zeničko-dobojskog kantona;
5. Članovima Zdravstvenog savjeta Grada Zavidovići,
6. a/a.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



**Komisija za budžet, finansije i
ekonomska pitanja**

Broj: 01-04-606/24-AP-3

Datum: 19.03.2024. godine

Na osnovu člana 16. i 17. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 33. i 45. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22 i 1/23), Komisija za budžet, finansije i ekonomska pitanja na 27. sjednici održanoj dana 19.03.2024. godine, razmatrala je Izvještaj o radu Zdravstvenog savjeta Grada Zavidovići za 2023. godinu, pa nakon rasprave donijela

ZAKLJUČAK

1. Komisija za budžet, finansije i ekonomska pitanja prihvata Izvještaj o radu Zdravstvenog savjeta Grada Zavidovići za 2023. godinu.
2. Komisija za budžet i finansije konstatuje da su za rad Zdravstvenog savjeta u Budžetu Grada Zavidovići za 2023. godinu na Tekućem transfer za „Zdravstveni savjet“, konto 6141758, planirana sredstva u iznosu od 5.000,00 KM, a utrošeno za ovu namjenu u iznosu od 4.434,54 KM.
3. Izvještaj o radu Zdravstvenog savjeta Grada Zavidovići za 2023. godinu, dostavlja se predsjedavajućem radi uvrštavanja u dnevni red sjednice Gradskog vijeća.
4. O realizaciji ovog Zaključka starat će se Stručna služba Gradskog vijeća.

PREDSJEDNIK KOMISIJE

Amir Alić, magistar matematike i informatike



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



*Komisija za društvene djelatnosti,
ljudska prava, mlade i ravnopravnost spolova*

Broj: 01-04-606/24-AP-2

Datum: 20.03.2024. godine

Na osnovu člana 16. i 17. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 33. i 47. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22 i 1/23), Komisija za društvene djelatnosti, ljudska prava, mlade i ravnopravnost spolova na 22. sjednici održanoj dana 20.03.2024. godine, razmatrala je Izvještaj o radu Zdravstvenog savjeta Grada Zavidovići za 2023. godinu, pa nakon rasprave donijela

ZAKLJUČAK

1. Komisija za društvene djelatnosti, ljudska prava, mlade i ravnopravnost spolova prihvata Izvještaj o radu Zdravstvenog savjeta Grada Zavidovići za 2023. godinu.
2. Izvještaj o radu Zdravstvenog savjeta Grada Zavidovići za 2023. godinu, dostavlja se predsjedavajućem radi uvrštavanja u dnevni red sjednice Gradskog vijeća.
3. O realizaciji ovog Zaključka starat će se Stručna služba Gradskog vijeća.

PREDSJEDNIK KOMISIJE

Haris Ibrić

H. Ibrić

